

ՍԱՂՄՈՍ 117

ԺԱՄԱՆԱԿԱԿԻՑ ԹԱՐԳՄԱՆՈՒԹՅՈՒՆՆԵՐԻ ՍՏՐՈՖ ԲԱԺԱՆՈՒՄՆԵՐ

NASB	NKJV	NRSV	TEV	NJB
Փառաբանության Սաղմոս	Թող բոլոր ժողովուրդները փառաբանեն ՏԻՐՈՋԸ	Դոքսոլոգիա	ՏԻՐՈՋ փառաբանություն	Կոչ փառաբանելու
<u>MT ներածություն</u> <u>չկա</u>				
117:1-2	117:1-2բ 117:2գ	117:1-2	117:1-2բ 117:2գ	117:1-2բ 117:2գ

ԸՆԹԵՐՑԱՆՈՒԹՅԱՆ ԵՐՐՈՐԴ ՑԻԿԼ («Մուրբ Գիրքը ճիշտ կարդալու ուղեցույց») ԸՍՏ ՊԱՐԲԵՐՈՒԹՅԱՆ ԲՆԱԳՐԻ ՀԵՂԻՆԱԿԻ ՆՊԱՏԱԿԻ ՀԵՏՔԵՐՈՎ

Սա սերտողության ուղեցույց մեկնություն է, որը նշանակում է, որ դուք եք պատասխանատու Աստվածաշնչի ձեր մեկնության համար: Մեզնից յուրաքանչյուրը պետք է քայլի իր ունեցած լույսի ներքո: Մեկնաբանության մեջ հերթականությունը հետևյալ կերպ է՝ դուք, Աստվածաշունչը և Մուրբ Հոգին: Դուք չպետք է այն զիջեք որևէ մեկնաբանի:

Մեկ անգամ նստելով կարդացեք ամբողջ գրուխը: Գտեք թեմաները: Համեմատեք ձեր թեմաների բաժինները հինգ ժամանակակից թարգմանությունների հետ: Պարբերությունները ներշնչանքով չեն կատարված, սակայն դրանք կարևոր են բնագրի հեղինակի նպատակին հետևելու համար, որը հանդիսանում է մեկնաբանության սիրտը: Յուրաքանչյուր պարբերություն ունի միայն մեկ թեմա:

ՀԱՄԱՏԵՔՍԱՅԻՆ ՀԱՍԿԱՑՈՒԹՅՈՒՆՆԵՐ

Ա. Սա Սաղմոսների գրքի ամենակարճ Սաղմոսն է:

Բ. Այն քաջալերում է հեթանոսներին փառաբանել Իսրայելի Աստծուն (տես՝ Սաղմոս 67, 100), միակ ճշմարիտ Աստծուն: ՀԱՏՈՒԿ ԹԵՄԱ. ՄԻԱՍՏՎԱԾՈՒԹՅՈՒՆ

Գ. Իսրայելի Աստվածը կատարելապես հայտնված է՝

1. ստեղծագործության մեջ Իր գործերում (Ծննդոց 1-2, 6-9)
2. Աբրահամին տված Իր խոստումների մեջ (Ծննդոց 12, 15, 18, 22)
 - ա. երկիրը
 - բ. սերունդը
 - գ. մեծ անունը
 - դ. երկրի բոլոր ընտանիքները կօրհնվեն նրանում

ՀԱՏՈՒԿ ԹԵՄԱ. ՆԱՀԱՊԵՏՆԵՐԻՆ ՏՐՎԱԾ ՈՒԽՏԻ ԽՈՍՏՈՒՄՆԵՐԸ

3. Աբրահամի սերունդների հանդեպ փրկության գործերը (տես՝ Սաղմ. 117:2ա)
 - ա. ելիցը
 - բ. նվաճումը
 - գ. գերությունից վերադարձնելը

ԲԱՌԵՐԻ ԵՎ ԱՐՏԱՀԱՅՏՈՒԹՅՈՒՆՆԵՐԻ ՈՒՍՈՒՄՆԱՍԻՐՈՒԹՅՈՒՆ

NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 117:1-2

¹Օրհնեցե՛ք ՏԻՐՈՉԸ, ո՛վ բոլոր ազգեր.

Փառաբանեցե՛ք Նրան, ո՛վ բոլոր ժողովուրդներ.

²Քանի որ Նրա գթառատ ողորմությունը մեզ վրա մեծ է,

Ու ՏԻՐՈՉ ճշմարտությունը հավիտյան է:

Փառաբանեցե՛ք ՏԻՐՈՉԸ:

117:1 Այս Սաղմոսը սկսում է և ավարտվում *Piel* ՀՐԱՄԱՅԱԿԱՆՈՎ՝ «Փառաբանեցե՛ք, օրհնեցե՛ք» (BDB 237, KB 248, տես՝ Սաղմոս 113, LXX, Սաղմոս 116): Սաղմոսներ 113-118 կոչվում են Hallel Սաղմոսներ՝ այս արմատի շնորհիվ:

❖ «Փառաբանեցե՛ք/գովաբանեցե՛ք Նրան» Սա երկրորդ *Piel* ՀՐԱՄԱՅԱԿԱՆՆ է (BDB 986, KB 1387, տես՝ Սաղմ. 147:12) և «փառաբանել» բառի հոմանիշն է, հ. 1ա:

❖ «բոլոր ազգեր... բոլոր ժողովուրդներ» Տիեզերական այս առանձնահատկությունը բնորոշ է Սաղմոսներին (տես՝ Սաղմ. 22:27, 33:8, 47:1, 66:1,4, 67:3-5,7, 82:8, 96:7-10, 98:4, 100:1):

Սա ՀԿ-ի մեծ հանձնարարությունն է: Իսրայելը պետք է լիներ «քահանաների թագավորություն» (տես՝ Ելից 19:5-6), քանի որ ամբողջ աշխարհն է ՅԱՀՎԵԻՆ պատկանում:

Այս համարը մեջբերված է Պողոսի կողմից Հռոմ. 15:11, որը շեշտադրում է ՅԱՀՎԵԻ կողմից հեթանոսների ներառումը Քրիստոսի կատարած գործի մեջ (տես՝ Հռոմ. 15:9-13, Հայտն. 7:9):

ՀԱՏՈՒԿ ԹԵՄԱ. ՅԱՀՎԵԻ ՀԱՎԻՏԵՆԱԿԱՆ ՓՐԿԱԳՈՐԾՈՒԹՅԱՆ ԾՐԱԳԻՐԸ

117:2 «ողորմությունը... ճշմարտությունը» ՅԱՀՎԵԻ այս երկու առանձնահատկությունները (տես՝ ՀԱՏՈՒԿ ԹԵՄԱ. ԻՍՐԱՅԵԼԻ ԱՍՏԾՈՒ ԲՆԱՎՈՐՈՒԹՅԱՆ ԳԾԵՐԸ) հաճախ են թվարկվում միասին (այսինքն՝ Սաղմ. 108:4, 115:1, 138:2):

«Ողորմության» համար տես՝ ՀԱՏՈՒԿ ԹԵՄԱ. ԲԱՐԵԳԹՈՒԹՅՈՒՆ (HESED)

«Ճշմարտության» կամ «հավատարմության» համար տես՝ ՀԱՏՈՒԿ ԹԵՄԱ. ՀԱՎԱՏԱԼԸ, ՎԱՏԱՀԵԼԸ, ՀԱՎԱՏՔԸ ԵՎ ՀԱՎԱՏԱՐՄՈՒԹՅՈՒՆԸ ՀԿ-ՈՒՄ:

❖ «հավիտյան» Տես՝ ՀԱՏՈՒԿ ԹԵՄԱ. ՀԱՎԻՏՅԱՆ ('olam)

Սա կարևոր կետ է Իսրայելի կողմից պարբերաբար կրկնվող անհավատության և կռապաշտության պատճառով: ՅԱՀՎԵՆ հավիտյան հավատարիմ է, սակայն Նրա ժողովուրդը՝ ոչ: Նա ավելի մեծ նպատակ ունի, քան պարզապես մի ժողովուրդը՝ ազգը (տես՝ ՀԱՏՈՒԿ ԹԵՄԱ. ՅԱՀՎԵԻ ՀԱՎԻՏԵՆԱԿԱՆ ՓՐԿԱԳՈՐԾՈՒԹՅԱՆ ԾՐԱԳԻՐԸ):

ՔՆՆԱՐԿՄԱՆ ՀԱՐՑԵՐ

Սա ուղեցույց հանդիսացող սերտողության մեկնաբանություն է, որը նշանակում է, որ դուք եք պատասխանատու Աստվածաշնչի ձեր մեկնաբանության համար: Մեզնից յուրաքանչյուրը պետք է քայլի իր ունեցած լույսով: Դուք, Աստվածաշունչը և Սուրբ Հոգին եք մեկնաբանության մեջ առաջին տեղում: Դուք չպետք է այն զիջեք մեկնաբանին:

Քննարկման այս հարցերը կազմվել են ձեզ օգնելու, որպեսզի մտածեք գրքի այս բաժնի գլխավոր հարցերի շուրջ: Դրանք մտածելու տեղիք տվող հարցեր են և վերջնական չեն:

1. Որքանով է տարածված ՀԿ-ում հեթանոսների հանդեպ ՅԱՀՎԵԻ ցուցաբերած սերը, հոգատարությունը, մտահոգությունը և փրկագործությունը:

2. Սահմանե՛ք *hesed*-ը (այսինքն՝ բարեգթությունը, ողորմությունը):
3. Սահմանե՛ք *emeth*-ը (այսինքն՝ ճշմարտությունը):
4. Ինչպե՛ս է ՅԱՀՎԵԻ սերը Իսրայելի հանդեպ ազդում հեթանոսների վրա: